

مُتَابَعَاتُ الْقُرْبَانِ

محل اداره :
 درسمادنده باب عالی جاده سنده
 اداره مخصوصه

انظار :
 مستکبره موافق آثار جدیده مع المنونیه قبول اولنور
 درج ابدله بن آثار اعاده اولغاز

دین ، فلسفه ، ادبیات ، حقوق و علوم دن باحث هفته لق رساله در

مؤسسه	ابوالعلا زین العابدین - ح . اشرف ادیب
سنه لکی	۶۵
درسمادنده	۲۵
ولایاتده	۴۰
مالک اجنبیه ده	۸۰
	۸۰

درسمادنده نسخیه سی ۵۰ پاره در

قیرله دن مقوا بورو ایله کوندریلیرسه سنوی
 ۲۰ فروش فضله آلنیر

تاریخ تاسیسی :
 ۱۱ نوز ۳۲۴

درسمادنده بوسته ایله کوندریلیرسه ولایات بدلی اخذ اولنور،

برنجی سنه

۲۷ محرم ۳۲۷ پنجشنبه ۵ شباط ۳۲۴

عدد : ۲۶

كذلك مذهبه اتباع ايتديكك امامك قولندن غرض حقيقي نه ايسه
اوني ايجه اكلامق ايچون براز اعمال فكر ايتسه كده مثلا سكا صورولان
بر مسئله عيناً امامك قولنده بولونماديني زمان اوني بر اصله ارجاع
ايد بيلسهك؛ يا خود او امامدن صوكره كنن علمانك سوزلريه توفيق
ايلسهك، اولمازمي؟

سبحان الله! هيچ بر خواجه بويله يايشمي؟ ديهرك درس او قوديني
خواجه سنك ياماديني بر شيشي قطعياً يابه ميه جفني سويلر. حال بو كه
نظري بر از ماضي به طوغري ارجاع ايتسه يدي اسكي علمانك بوتني بك
اعلا باديغني، حتى دها ايلري كيدرك خواجه لرينه بيله بهض خصوصاً
مخالفتده بولنديغني كوروردى. لكن سز او كا بورالريني سويلهرك
مباحثه قالقيشه جق اولورسه كز درحال سزى دينسزلكه اتهام ايدرك
« بنى ديندن مي چيقاره جقسك؟ » دير! زواللي بيلمز كه بو حركتيله
نصوص رينيه مخالفتده بولسان، خروج عن الدينه حاضرلانان ينه
كنديسي اوليور. نعمذبالله!
شيخ محمد عبده
مترجمي

محمد عاكف

روحانيت - جسمانيت

اسكوب بلديه رئيس سابق حافظ فريد افندي به :

خلاصه سي بريغين ترديد، تشكيك كردن؛ روحى ۲۳ نومرولى
« صراط مستقيم » مجموعه سنده، ندرج « اسلاميته روحانيت، جسمانيت
وارمي؟ » مقاله سي حقتده استيضاحدن عبارت مکتوب عاليلري دقله
نظر مطالعه دن كچريلدى. لكن بز بومكتوبك مندرجاتي سقولاستيكي
وصرف الفاظ و تعبيراته عائد؛ فقط معنا و مسمادنك اوزاق بر اختلاف
كبي تاقي ايتدك. زيرا بوزمين و بويولده منازعه لرك معناجه، مسماجه
هيچ برفرق بوغبكن الفاظ و تعبيراتده اختلاف لرك حيات و معيشته و بونلرك
ناظمي اولان شريعت اسلاميه جه هيچ براهمتي حاز دكلدر. اشته بونك
ايچون اوزون اوزادى به ايضاحات اعطاسنه لزوم كورميورم. برده
مكتوب عاليلرنده « شقوق متنوعه دن هانكيكي اختيار ايدليكي »
صوروليور كه بوسه الكرك جوابي مقاله مذكوره دن بك ظاهر بر
صورته نمايان اولمقده در.

بزمقاله مزده اولدقچي، ومكن مرتبه معيشته، حياتزه تعلق ايدن
جهتلردن بحث ايتك استرز. زيرا بوالفاظ و تعبيرات منازعه لرينك،
لقاب و عنوانلر قاوغاسنك هيچ بروقت فائده سي كوروله مش؛ دائماً
انسائلر آراسنه تفرقه دوشورمه به، نظام حياتي اخلاص ايتيه ياردم

سياست ايتديكني تحليل، ايتديكني تحريم ايديور؛ ديلديكنه حق،
ديلدكنه باطل دييور؛ خلقده او كا منقاد اولوب كيديور.

عظالتك شريعتيه واهلنه قارشي اولان جنائتي. - احكام

شريعت حقتده كي عظالت معاملاتده اوليله بر كوچلك احداث ايتدى كه ناس
آرتق شريعتي اهاله قدر واردى. شريعت اسلاميه اسلامك حقيقت
اسلام اولديني زمانلرده بو تون عالمي قوجا قلايه جق قدر واسع،
مساعد ايدى. بوكون ايسه او قدر طارلا شمشدر كه اهلى بيله
بارينديره مه يورده اولنلر حقوقلريني محافظه ايچون باشقه واسطه لره مراجعتده
مضطر قاليورلر. جمله شريعتدن بر چوق اتقا وار كه بوكون باشقه
شيلري مدافعه ايله مشغول. ناس ايچون شريعتي او كرنك زورلاشديغندن
احكام شرعيه بي اكلامقده كي عجزلريني كورهرك جهله راضى اوليورلر.
بناء عليه شريعتي بيلنر بيلنلره نسبتله هيچ دينه جك قدر آز. شريعتك
جاهلى اولان بر آدم ايچون شريعتك احكاميله عمل ايتك امكاني
متصور ميدر؟ ايشته خلقك قسم اعظمي شريعتيه مخالف حر كاتده
بولونيور؛ قبلرده شريعتيه قارشي احترام حسي قالماش؛ چونكه افعالي
نصوص شرعيه به تطبيق ايدميور. اك برجي مانع ايسه عباراتك
كوچلك كندن، اختلافاتك چوقلغندن ايلري كان اكلامق مامق مسئله سي
اوليور.

بركون خواجه لردن برينه: « نصل مذهبكه هاند كتابلرده كورديكك
احكام موجبه آلم صاتم يابه بيليورميسك؟ » ديشدم. جواباً
معاملاتده او كي احكامي بك آز خاطر لاديني، هر كس نصل بايورسه
اوده اوليله باديغني سويلدى. ايشته عظالت ارباب شريعتي بو حاله كيردى.
اكر بو آدم لرشريعتك وطولايسيله ناسك مدار حياتي اولمق ايتسه لردى
بك اعلا موفق اولورلردى. اوزمان هم كنديلري، هم ده بوتون خلق
بويله اولو قالمالردى ده مسعود بر حيات كچيرردى.

بايكيك ناس حدود شرعي دن نه قدر انحراف ايتمشدر، فساد اخلاق
نه درجه يي بولمشدر! يونك كويلرده، يا خود كوچك قصبه لرده كي اسبابي
ايكى دن خالى دكلدر: يا او كوي يا خود قصبه ده ديني، شريعتي بينن
كيسه اولماديني ايچون هر كسك حرامه، حلاله عائد مسائلي صورديغني
آدم صوران كي جاهلدر؛ يا خود مسئله يي بيان صورانك اكلامه
بيله جكي آچيق بر تعبيره مالك دكلدرده سؤالك بر درلو ايچندن چيقا ميا برق
نهيئت دانیشان آدمك هيچ اكلاميه جفني، كنديسنك ده نه يابسه
اكلاميه جفني بر عبارتي او قويوب كچر.

شمدى بو آدمه ديسه كز كه: هر طبقه ده كي خلقه مراكمي اكلامه جق،
علمكدن اولنلري مستفيد ايدم بيله جك قدر اسلوب افاده او كرنسهك؛

ایتمشدر . بوراسنک تفصیلی بعض فکر لک ایلشکنی موجب اوله جندن شمیدلک ترکی موافق کورویورم .

فی الحقیقه روحانیک ، جسمانیک عنوانلری ده الفاظدر اما ، معنای موضوعاریله شدتلی علاقه و مربوطیتلری وارد ؛ اختلاف صرف لفظی اولوب قالماز . بناء علیه حیات و معیشتی تبدیل ایده بیله جک تأثیری حازدر . نصلکه بوحال ، بعض ملترده بالفعل وقوعه کلشدر . اشته بونک ایچون بو عنوانلری ، القابی اساساً اسلامیتده اولدینی حالده ایجاد و ابداع ایدیورمک یا لکز خطا دکل ، بدعتدر ، کناهدر . ذاتاً روحانیک ، جسمانیک عنوانلری خرسیتیانلردن آتمشدر . وقتیه خرسیتیان پاپازلری اهالی بیننده برنوع امتیاز قازانق ودها طوغروسی موجود اولان امتیازلری ادامه ایده بیلک آرزوسیه روحانیک عنوانی طاقتمشدردی . فقط نتیجه سی اعتباریه هیچ برشی قازانه مدیلر ؛ کلیاً ضرر ایتدیلر .

بلکه وقتیه خرسیتیانلر آراسنده روحانیت عنوانی آتنه صولقن استیانلر پک چوق اولدینی حالده ، شمدی بو عنوانه دکل ، مغنون اولانلره یا تاشیق استیانلر بیه بولتور ...

بناء علیه کندی کندی لکمز دن لزومسز عنوانلری اورتالیقه چیقارمیهلم . آره مزده تفرقه قابولری آچیم . هپ رابر چالیشام ؛ مزاجم حیاتییه ال برلکیله تسهیله غیرت ایدم . ذاتاً اسلامیتک اقتضاسی ده بودر : « ولا تفرقوا ! ... »

ح . ث .

عمی و عدالت الهیه

صراط مستقیمه هفتده ظرفنده کوندریلان ورقه لر میاننده اعمی چوجقلرک نور بصردن محروم اولملری عدالت سبحانیه مقضیانته توافق ایده میه جکنه دأثر بر سؤال ورقه می وار ایدی . رساله نامه طویل الذیل بر جواب یازدی . شو قدرکه بومسئله مؤلفین محترمه اسلامیه جانبدن وقتیه موضوع بحث ایدلمش و متعدد نقاط نظردن اجرا قلنان تدقیقات خاطره تبادری محتمل اولان شهبانی باسرها ازاله ایلش اولدیفندن تدقیقات مذکورهنک بورایه خلاصه اولسون نقلی مناسب کورلدی .

بوسؤال اوج نقطه نظردن تدقیق اولتمشدر .

۱ - فلاسفه نك نقطه نظری که آنلرجه اقسام عقلیه بشدر . زیرا برشی یاخیر محض اولور و یاشر محض اولور و یا ایکی اعتباری مشتمل بولنور . بوحالده ده یاخیر شره معادل اولور و یاخیر و یا شر غالب بولنور . بولنردن اوچنک یعنی شر محض ، شر غالب ، شره معادلک

موجودیتی قبول ایتورلر . بنا برین یا لکز ایکی قسم قابیلور که اوده خیر محض خیر غالبدن عبارتدر . بولری تدقیقه ایسه کوریلور که حکمت خیر محضک تحصیاتی اقتضا ایشدر مکده اولدینی کبی خیر غالبک . که غالبیت تحقق ایتک ایچون همه حال شر مغلوبه مقارن بولنق لازمدر . وجودینی مقتضی بولنقده در . زیرا خیر کثیری شر قلیل ایچون ترک ایتک برشر کثیردر . شو حالده خیر بالذات مقصود اولدینی کبی خیرک غیر منفک لوازمندن بولنق حسینله شر قلیلده بالتبع مقصوددر . ایدمی عالمده کوریلان جمیع شرور بوقسمنددر . یعنی خیرانده غالبدر . او حالده صغیرک اعمی اولمسنده مقتضیات عدالته منافی برجهت یوقدره دینیله مزکه جناب حق خیر غالبی شر نادردهن آیرملی ، یا لکز خیر قالمی ایدی . زیرا بولذاته متممدر ولذاته متمم اولان بر شینک خلق بیورلماش اولمی حق خالفده . عجزده دکلدر . عجز ممکن اولانی خلق بیورما مقدره . لذاته متمم اولانی خلق بیورما مق ایسه حکمت سبحانیه ایجاباتسنددر .

۲ - معتزله نك نقطه نظری که آنلر بتون شروری افعال سبحانیه دن عد ایدرلر وناس عبرت آلسون وبالاخره عوضه نائل اولسون اراده سیه طرف سبحانیدن یا بلش اولدیفنه قائل اولورلر . شرور ومصائبک شو فوائد جزیه طولایسیله بر لطف ربانی اولدیفنه معتقددرلر .

حتی دیرلر که شو صورتله مظهر ابتلا اولانلر مقابلنده نائل اوله جقلری عواطفی بیلمش اولسولر ایدی کنیدیلری بوحاله خواهشکر اولورلردی . دیمک اولور که معتزله اساساً شرورک موجودیتنده برظلم کورمیور . شو حالده معتزله بوسؤال طبیعتیه وارد اولیور .

۳ - اهل سنتک نقطه نظری مسئله نی پک موشکافانه حل ایدره زیرا بز عدالت سبحانیه همه حال عدالتدن بشقه برشی یا به مامق کبی بر معنا ویرمه یز . جناب حق عادلدر ، قوللرینه عدالتله معامله بیوریر . فقط مشیت سبحانیه سی تعلق ایلر ایسه بعض قوللر بوندن محرومده قاله بیلور . ایضاح ایدم : (عادل) ، (عدل) سوزلرینک مدلولی عدالتده بولنان ذات دیمکدر . یوقسه عدالتدن بشقه برشی یا ببق شانندن اولیان ذات دیمک دکلدر . یعنی ماهیت بلا شرط شی ایله ماهیت بشرط لاشی بر بردن تفریق ایدلمیسدر . تفریق ایدلمیجه بوقیل سوء تفهملر وجود بولور بوراده ماهیت بلا شرط شی در دیرسه عدالت ایدر دیرسه ایتزه بشرط لاشی دکلدر یعنی عدالتدن بشقه برشی یا به مز دیمک دکلدر . جناب حق بعض عبادی حقنده رحیم ، کریم ، رؤف ، ودود اولور بعض عبادی حقنده ده قهار ، جبار ، منتقم ، شدید العقاب اولور . بریله انصاف بیورمش اولمسندن طولانی دیکریله عدم انصافی لازم کلز . ایشه اساس بودر . مع مافیه شکایت اولنان احوالک دخی مقتضیات معدلندن